

## «accents»: in sguard enavos enavant

■ (bc) Il 1. da fanadur 1977 è cumparida l'emprima ediziun dals «accents» sco supplement en la «Gasetta Romontscha». La gruppia inizianta da Sursilvanas e Sursilvans tranter vegn e curanta vuleva avrir ina discussiun critica – senza tabus – sur da quai ch'occupava els – e sco las reacziuns han mussà er la societad da lezza giada. Suenter trais numers en la Romontscha han ils «accents» chattà albiert en la «Bündner Zeitung» ch'aveva dapli gust per opiniuns divergentas, per las provocaziuns, las «marletgas» e la sfarfatgadatad dals «accentists».

Tranter 1977 e 1982 hai dà 22 numers da quest supplement. Collavrà

han lezza giada persunas da tuttas vegliadetgnas, da l'entir Grischun e da la Basa.

In pèr persunas da la gruppia da coc d'antruras publitgeschan – in pau sco numer commemorativ – en La Quotidiana dad oz texts curts sco sguard enavos enavant. Per metter in accent, per dar in impuls.

Valessi la paina da far reviver il project en ina furma che correspunda al temp dad oz? Cun forzas giuvnas ed ideas novas da l'entira Rumatschia.

**Sche vus avais propostas, sche vus vulais metter accents en novs «accents», scrivai a: [accents@emailplus.org](mailto:accents@emailplus.org).**